

丹
淵
集

五

鄭淵集
五

PDC

陳眉公先生訂正丹淵集卷十九

宋 蜀 文 同與可 撰

明 吳 毛 晉子晉

蜀 李應魁務滋同叅

吳 吳一標建先

畫厨雜詠

宋復古度支晚川晴雪

霽色變雲林寒光混煙水遙山定何處渺漭纔

可指

早秋山水硯屏

晚靄隔遠岫秋容入平林方素僅盈尺品谷能
許深

寇君玉郎中大螬

螬性最難圖生意在螯蛭伊人得之妙郭索不
能已

小螬

骨甲與支節解絡充精研手足雖爾多能使如

一錢

黃筌鵲雛

短羽已褫褫弱脰方岌岌母也向何處開口猶
仰食

滕昌祐芙蓉

雙幹發寒葩一枿立紋羽欲品精妙人君當二
三數

毛老闢牛

牛牛爾何爭於此輒闢怒長鞭開兒童大炬走
翁姬蒼樓八九子駭立各四顧何時解角歸茅

舍江村暮

鄧隱老木寒牛

蒼崖稜層草芊綿巨木半死生枯壘羸牛日晚
已噍草稚子天寒猶打錢

許道寧寒林

許生雖學李營丘墨路縱橫多自出交柯揮霍
裴旻劒亂蔓淋漓張曉筆

易元吉抱欒猓

老欒抱擁腫金猓立鬚鬢當年隴山道似此見

危層

引子 獐

蒼獐引黃麕雙耳誰驚立高原想新霽町疇見
行迹

崔白敗荷折葦寒鷺

疎葦雨中老亂荷霜外凋多情惟白鳥常此伴
蕭條

孫太古辟支迦佛

調御出火起正念薩埵捧香生信心二士之意

在筆外彼太古者何情深

許中正捕龍雷

彼龍胡爲被天謫不肯爲天行雨澤天敕雷公
恣搜索龍藏何所忽爾獲提之滿空若曳帛電
風電火相卷射雷張兩翅但拍拍首尾挽之足
雙磔龍力與雷固不敵雷轉威怒龍褫魄須臾
定見肝胃拆萬力千氣凡幾畫斯人斯品入神
格

范寬雪中孤峯

大雪灑天表孤峯入雲端何人向漁艇擁褐對
巔岼

晚秋煙波

直於一丈素寫盡千里景雲山杳杳已成秋煙
水漻漻方入暝君應無心得此畫我豈有言能
爾詠

春山

岡原草木秀溪谷雲霞媚君筆誰所傳獨解吐
和氣

秋山

孤峰露蒼骨疎木聳堅幹高堂挂虎壁爽氣來不斷

梁信揭鼓小圖

高梧間垂楊玉宇極清邃三郎當殿坐左右擁
佳麗攬揄近香案蹲獸吐碧穗寶几承畫控續
紛交綵袂花奴卷雙袖俛立前奏技君王顧之
咲軒廡動和氣誰謂一尺素寫遍天上意聽者
定何如觀之猶解穢

明皇嘗言花奴
羯鼓可解琴穢

蒲生鍾馗

寒風酸號月慘苦梟飛狐鳴蒲墟墓叢棘亂疆
翳野霧古社禿剝倒枯樹下有三鬼相嘯聚
初行誰家作疰忤痛熱腫痒快嘔吐塞噎咽喉
脹臍肚呼巫召覘使呪詛翁驚嫗忙設賽具茅
盤草舡置五路飯盂炙串狼籍布相共收歛各
執去方此危坐歔且哺忽爾相視生畏怖有神
傑然駕巨牯前訶後擁役二豎此神噉鬼充旦
暮其腹尚餒色躁怒鬼遙見之悉失措竄匿不


暇相告諭酒傾肉落雜穢汗魄魄飛蕩身偃仆
一入木底只四據一尚把盞愕呂顧一自隱蔽
捩眦覷神用氣攝縛束固前死入吻無十步計
之嚼嚙或味飫蒲生胡爲適爾遇盡之蒲卷無
一誤筆墨醜怪實可懼持以贈余子何故搖手
不取一錢賂他日乞詩者尤屢試爲言之寫其
故

折楊柳

垂楊百尺臨池水風定煙濃盤不起欲折長條

寄遠行想到君邊已憔悴

丹淵集卷十九終



陳眉公先生訂正丹淵集卷二十

宋

蜀文

同與可撰

明

吳毛

晉子晉

蜀李應魁務滋同叅

吳吳一標建先

挽詩

仁宗皇帝挽詩十首

并狀

同前在草土伏聞

大行皇帝奄棄天下號慕摧咽無以

勝處竊念同本遠方巖野之人偶用
詞業以干仕進

大行皇帝親考其藝賜之科第尋得
召試擢真館閣憐其親老又與便地
俾得榮祿以給供養不幸前歲遽罹
家禍解官去職持服鄉里居常自謂
同也何人草茅之姿螻蟻之命叨被
恩澤如此深厚但恨未有死所不能
上報萬一昨者大諱之日以故不得

隨從列辟朝夕哭臨臣子之心實爲
大痛伏見山陵擇日在近同羸病初
起復不能奔走匍匐執役斥土荷鍤
負畚以先徒衆謹齋戒撰成

永昭陵挽詩十首繕寫共一軸非所
以盡五內屠裂之意聊以助天下昆
蟲鳥獸悲吟哀號之一聲云

緒業承三聖規模盛一王朝廷周禮樂庠序漢
文章殊俗皆歸往蒸民盡樂康帝功如此大宜

享壽無疆

右一

徇速承王後聰明復辟初恩波同海浸刑網比
天疎屢有搜賢詔曾無諫獵書惟餘封禪事應
恨缺蒲車

右二

求治親垂詔觀文自著圖何曾憑喜怒未省赦
讒諛塵世留徽號煙霄返舊都悠悠增笑驗難
問鬼吏區